



**UPRAVNI ODBOR ( U.O.)**

**Broj protokola: 0201-629/19**  
**Sarajevo, 06. 06. 2019.**

Na temelju člana 23 Statuta Zavoda i člana 6 Poslovnika o radu Upravnog odbora sazivam

**1. SJEDNICU UPRAVNOG ODBORA**

i predlažem slijedeći

**DNEVNI RED**

1. Primopredaja i konstituisanje;
2. Upoznavanje sa organizacijom i planom rada Zavoda (direktorica);
3. Razno;

Sjednica će se održati **06.06.2019. godine (četvrtak)**, sa početkom u **16,00h**, III sprat – biblioteka, ul. Nahorevska 173, 71 000 Sarajevo.

Ukoliko niste u mogućnosti prisustvovati sjednici molim Vas da me blagovremeno obavijestite na  
Tel: 033 257 750 – ili e-mail: [zalcnarc@bih.net.ba](mailto:zalcnarc@bih.net.ba).

**Predsjednik Upravnog odbora**  
**Ranka Rakić, dipl.soc.rad.,**



**Dostavljeno:**

1. Doc.dr sci med. Rasema Okić, član
2. Dr Samir Kazić, član
3. Gđa Amela Hebib, član,
4. Gđa Enisa Mešić, dipl.psiholog, član
5. Gđa Ajla Julardžija, dipl.prav., predsjednik
6. Prof.dr Emīna Kasumagić Halilović, član
7. Dr Damir Ćelik, član
8. Dr Amir Balić, član
9. Dr Ezrema Boškailo, član
10. Doc. Dr sci med.Nermana Mehić Basara, direktorica Zavoda
11. a/a Upravnog odbora
12. a/a Zavoda



Broj protokola:0201-655/19  
Sarajevo, 12. 07. 2019.

## ZAPISNIK

Sa 1. sjednice Upravnog odbora JU "Zavod za bolesti ovisnosti" Kantona Sarajevo (u daljem tekstu UO i Zavod) održane **06.06.2019. godine (četvrtak)**, sa početkom u **16,00**, u prostorijama JU Zavod za bolesti ovisnosti Kantona Sarajevo , Nahorevska 173 Sarajevo.

### PRISUTNI :

- Ranka Rakić, dipl.scr. v.d. predsjednica
- Doc.dr sci med. Rasema Okić, v.d. član
- Amela Hebib, dipl.novinar, v.d. član
- Dr sci med. Samir Kazić, v.d. član
- Doc.dr sci med. Nermana Mehić – Basara, direktorica
- Samira Durak, bclr. komunik., sekretar U.O.

### ODSUTNI:

- Enisa Mešić, dipl.psiholog, v.d. član
- Ajla Julardžija, predsjednica prethodnog U.O.
- Prof.dr Emina Kasumagić- Halilović, član prethodnog U.O.
- Mr.sci Dr Damir Čelik, član prethodnog U.O.
- Prim. Dr Amir Balić, član prethodnog U.O.
- Dr Ezrema Boškailo, član prethodnog U.O.

Predsjednica Upravnog odbora **gđa Ranka Rakić** je pozdravila prisutne , otvorila sjednicu, konstatovala da je opravdano odsutna gđa Enisa Mešić, kao i da niko iz prethodnog saziva Upravnog odbora nije prisutan na sjednici, te da su putem e-maila opravdali svoje odsustvo. Konstatovala je da postoji kvorum za punopravno odlučivanje i donošenje odluka.

Predložila je slijedeći:

### Dnevni red:

1. Konstituisanje;
2. Upoznavanje sa organizacijom i planom rada Zavoda (direktorica);
3. Razno;

**V.d. predsjednica U.O. gđa Ranka Rakić** je dala na glasanje predloženi Dnevni red Svi članovi su glasali „Za”, te je konstatovala da je Dnevni red jednoglasno usvojen.

## 1.

**V.d. predsjednica U.O. gđa Ranka Rakić** je konstatovala da je Rješenjem Vlade Kantona Sarajevo imenovan Upravni odbor JU Zavod za bolesti ovisnosti Kantona Sarajevo u slijedećem sastavu: Ranka Rakić v.d. predsjednica; Rasema Okić v.d. član, Samir Kazić v.d. član; Amela Hebib v.d. član; Enisa Mešić v.d. član.

**V.d.predsjeđnica U.O. gđa Ranka Rakić je dala riječ direktorici Zavoda.**

**Direktorica Zavoda Doc.dr sci med. Nermana Mehić Basara** je pozdravila prisutne, čestitala im na imenovanju i poželila uspješnu zajedničku saradnju i ostvarenje zajedničkih ciljeva.

**V.d. predsjednica U.O. Gđa Rakić** je zamolila sve članove U.O. da se predstave. O sebi je rekla da je diplomirani socijalni radnik, te se nada uspješnoj saradnji između Upravnog odbora i Zavoda.

**Gđa Amela Hebib** je rekla da je po zvanju diplomirani novinar, a po zanimanju pisac i publicista, kao v.d. član U.O. želi dati doprinos za uspješan rad Zavoda. Takođe je istakla da je njeno zvanično prezime Semić, a u Rješenju o imenovanju u Upravni odbor piše Hebib, što je njeno djevojačko prezime.

**Dr.sci med. Samir Kazić** je rekao da je ljekar internista angiolog, zaposlen na Klinici za vaskularne bolesti, do sada je bio član Upravnog odbora Zavoda zdravstvenog osiguranja Kantona Sarajevo, želi dati doprinos u radu ovog Upravnog odbora.

**Doc.dr sci med. Rasema Okić** je rekla da je ljekar neuropsihijatar, subspecijalista za bolesti ovisnosti, zaposlenik Zavoda za bolesti ovisnosti sedamnaest godina, radi na funkciji rukovodilac Dnevne bolnice, želi dati doprinos u radu Upravnog odbora za dobrobit pacijenata i društvene zajednice.

**V.d. predsjednica U.O. gđa Rakić** je izvijestila da su svi članovi U.O. , osim gđe Semić, dobili materijal za sjednicu u elektronskoj formi i to: Pravilnik o radu i sistematizaciji i organizaciji radnih mjesta, Poslovnik o radu U.O., Izvještaj o radu i finansijskom poslovanju za 2018. godinu koji je prošao skupštinsku proceduru, Izvještaj o finansijskom poslovanju Zavoda za period I-III 2019. godine koji je usvojen od strane Upravnog odbora u maju 2019. godine. Predložila je da se navedeni akti Zavoda dostave svim članovima U.O. kako bi bili upoznati sa poslovanjem Zavoda, Takođe je predložila je se gđi Semić Ameli ponovo dostavi materijal putem e-maila.

## 2.

**V.d.predsjeđnica U.O. gđa Rakić** je dala riječ direktorici Zavoda da predstavi organizaciju i plan rada Ustanove.

**Direktorica Zavoda Doc.dr sci med. Nermana Mehić Basara** je prezentirala historijski razvoj Ustanove od 1967 do danas, djelatnost Zavoda koja je vezana za sva tri nivoa zdravstvene zaštite, viziju Zavoda koja se odlikuje u tome da Zavod bude dobro organizovana, finansijski stabilna ustanova, sa dovoljnim brojem educiranog kadra, osposobljena za pružanje kvalitetnih zdravstvenih usluga iz svoje djelatnosti svim korisnicima zdravstvene zaštite u Kantonu Sarajevo, kao i svim drugim građanima Bosne i Hercegovine koji iskazuju interes za liječenje. Misija Zavoda je da se Programima tretmana obuhvatiti što veći broj ovisnika, u što ranijoj fazi bolesti i dovoljno dugo sa ciljem poboljšanja njihovog zdravlja i osposobljavanja za normalan život u zajednici, čime će se posredno reducirati rizici transfera bolesti na zdrave mlade ljude.

Uz pomoć Vlade Kantona Sarajevo JU Zavod za bolesti ovisnosti je 2016. godine uselio u svoj matični objekat u Nahorevskoj 173. Naglasila je da je otvaranjem novog objekta Zavod zakoračio u novu modernu eru svog stručnog rasta i razvoja, sa ciljem pružanja što kvalitetnije zdravstvene usluge ovisnicima i smanjenja rizika za neželjene zdravstvene posljedice u zajednici, što potvrđuje i AKAZ certifikat za akreditaciju i kvalitet koji je Zavod dobio 2018. godine.

Zavod je organizaciono podijeljena na sektor medicinskih i sektor nemedicinskih poslova, sa organizacionim jedinicama.

Prezentirala je rezultate poslovanja i ostvarene usluge. Izvijestila da je problematiku s kojom se Zavod suočava i koju planira riješiti u narednom periodu vezana za otvaranje još jednog punkta za provođenje OST terapije i prijem nedostajućih kadrova. Istakla je da Zavod ima 60 zaposlenika što je za 28 manje u odnosu na broj zaposlenika koji je predviđen sistematizacijom radnih mjesta. Za neka radna mjesta Zavod je dobio saglasnost Ministarstva zdravstva Kantona Sarajevo, a ista se trebaju

prizanti u Rebalansu Budžeta ZZOKS. Obrazložila je da se Odsjek za supstitucionu terapiju nalazi u ulici Omera Stupca broj 6, to je izvanbolnički tretman i naglasila je da se Zavod tokom godina bio suočen sa pritiscima lokalne zajednice zbog frekventnosti pacijenata. Ističe da pacijenti ne prave probleme i nijedan incident koji se desio na tom području nije uzrokovao nijedan pacijent sa OST programa, ali se slaže da je frekvencija pacijenata velika jer na tretman svakodnevno dolazi 350-400 pacijenata. Zbog svega navedenog smatra neophodnim otvaranje još jednog punkta za provođenje OST programa na području Općine Novi Grad, što bi obuhvatilo pacijente sa područja Ilidže, Trnova i Novog Grada. Sa premijerom Kantona gosp Fortom i ministricom zdravstva Dr Sofić je već održala sastanak na kojem je dogovoreno otvaranje još jednog punkta.

Zavod je u 2017. godini dobio AKAZ certifikat za kvalitet akreditaciju.

Prezentirala je plan rada Zavoda i naglasila je da je planirano otvaranje programa za liječenje nehemijskih ovisnosti kao što su ovisnost o kockanju igrama na sreću, ovisnost o internetu i video igricama. U Zavodu se u okviru Odjeljenja za alkoholizam tretiraju ovisnici o kockanju i igrama na sreću i to se radi sa postojećim kadrovima.

**V.d. predsjednica U.O. gđa Rakić** se zahvalila direktorici na prezentaciji organizacije i plana Ustanove i pitala koji kadrovi treba da budu prizanti rebalansom Budžeta, a direktorica je odgovorila da je neophodna prijem: jedan ljekar, dvije medicinske sestre tehničari, jedan ekonomista, jedan magistar farmacije i jeda informatičar programer, koji je do sada bio priznat na pola radnog vremena. Takođe je istakla da se prema novoj uredbi o zapošljavanju Kantona Sarajevo kadar prima putem konkursa u kojoj je zastupljena institut supervizora, te da Pravilnik o radu Ustanove treba uskladiti sa navedenom uredbom.

**Predsjednica U.O. gđa Rakić** je pitala gdje se nalazi Odjeljenje za monitoring i evaluaciju.

Direktorica je izvijestila da to odjeljenje nije u potpunosti uspostavljeno i da djelimično funkcioniše u sklopu Službe za opće kadrovske i ekonomsko-financijske poslove u kojoj radi informatičar programer koji je zadužen za obradu podataka.

**Gđa Amela Semić** se zahvalila na iscrpnoj prezentaciji i pitala da li Zavod surađuje sa drugim Centrima za liječenje ovisnosti konkretno sa Centrom za ovisnosti u Ilijašu o čijem radu ima negativno mišljenje i iskustvo, te je pitala kakva su iskustva Zavoda u tom pogodu.

**Direktorica Zavoda Doc.dr sci med. Nermana Mehić Basara** je odgovorila da se u Ilijašu nalazi Terapijska zajednica čija djelatnost je rehabilitacija ovisnika, gdje ovisnici nastavljaju proces rehabilitacije i resocijalizacije nakon što završe program detoksikacije i liječenja u Zavodu. U terapijskoj zajednici proces liječenja traje od jedne godina i više, a Zavod sa terapijskim zajednicama ima uspostavljenju suradnju. Zavod surađuje i sa Terapijskom zajednicom Kampus u Rakovici koja je u nadležnosti Ministarstva za socijalni rad K.S.

**Doc.dr sci med. Rasema Okić** je istakla da i razlika između Zavoda i terapijskih zajednica u tome što se Zavod bavi zdravstvenim aspektom i liječenjem ovisnika, a Terapijske zajednice se bave rehabilitacijom i socijalnim aspektom tretmana ovisnosti. Istakla je da proces liječenja ovisnika veoma složen i da Zavod kao ustanova koja se bavi liječenjem ima veoma zahtjevan zadatak.

**Gđa Semić** je istakla da je u većim gradovima pristup pacijentima i liječenje drugačiji nego u malim sredinama, konkretno u Ilijašu odakle dolazi, tu pacijenti kako ovisnici tako i drugi pacijenti nemaju kvalitetnu zdravstvenu zaštitu kao pacijenti u većim sredinama, niti su razvijene specijalističke službe, stoga je pitala da li Zavod može biti generator promjene i poduzeti nešto kako bi se svim pacijentima bez obzira gdje žive omogućila ista prava u pogledu liječenja.

**Doc.dr sci med. Rasema Okić** je istakla da se to treba sistemski riješiti, da u malim mjestima zdravstveni sistem drugačije funkcioniše, te da u društvenom sistemu kroz strukture vlasti treba pokrenuti inicijativu da se zdravstveni sustav u svim mjestima uredi u skladu sa standardima i normativima.


**Direktorica Zavoda Doc.dr sci med. Nermana Mehić Basara** je istakla kako su pacijenti ovisnici i u uređenom sistemu uvijek stigmatizirani i liječenje ovisnosti kao psihijatrijska disciplina je uvijek bilo otežano i na nivou lokalnih zajednica. Već je navela problem koji Zavod ima sa Mjesnom zajednicom Crni vrh koji godinama rade na tome da se objekat u ulici Omera Stupca izmjesti, tako da se Zavod pored obaveza u pružanju usluga osiguranicima Kantona Sarajevo dugi niz godina bori i odupire inicijativama lokalnih zajednica.

Takođe je izvijestila da se pacijentima ovisnicima u Bosni i Hercegovini pruža usluga i tretman kao i svim drugim pacijentima u Evropi i svijetu prema standardima Svjetske zdravstvene organizacije u Centrima za mentalno zdravlje, a u skladu s principima mentalnog zdravlja u zajednici, što je u BiH implementirano neposredno poslije prestanka rata u sklopu Reforme sistema zaštite mentalnog zdravlja stanovništva.

3.

V.d. predsjednica U.O. gđa Ranka Rakić je izvijestila da je svim članovima U.O. u materijalu za sjednicu pored uobičajenog materijala dostavljen Izvještaj o finansijskom poslovanju Zavoda za I-III 2019. godine, kako bi U.O. bio upoznat sa finansijskim poslovanjem Ustanove. Takođe je izvijestila da je svim članovima dostavljen Poslovnik o radu Upravnog odbora koji će se razmatrati na narednoj sjednici.

Predsjednica U.O. gđa Ranka Rakić je konstatovala da je sjednica završena u 17,20h

Zapisničar  
  
Durak Samira, bclr. komun.

v.d. Predsjednica Upravnog odbora  
  
Ranka Rakić, dipl.s.c.r.

